

(Hanya untuk orang bukan Islam)

### **Gereja Menerbitkan Panduan Remaja Baharu**

'Untuk Kekuatan Remaja: Panduan untuk Membuat Pilihan' yang bertumpu pada menggunakan asas-asas injil untuk membuat keputusan.

Gereja Yesus Kristus Orang Suci Zaman Akhir telah ubah suai semula panduannya untuk remaja Orang Suci Zaman Akhir yang berumur 11 hingga 18 tahun. Panduan baharu, "Untuk Kekuatan Remaja: Panduan untuk Membuat Pilihan," adalah berdasarkan asas-asas injil, hak pilihan dan ilham.

"Untuk Kekuatan Remaja," yang baharu telah diumumkan pada 1 Oktober semasa sesi pembukaan persidangan umum, menggalakkan remaja untuk memperdalamkan penukaran hati mereka dengan mempelajari asas-asas yang betul dan berkat-berkat yang datang dari menjalani asas-asas tersebut, dan untuk bertindak menurut dorongan rohani yang mereka terima semasa mereka kaji panduan itu.

"Panduan terbaik yang anda boleh miliki untuk membuat pilihan ialah Yesus Kristus. Yesus Kristus ialah kekuatan remaja," ujar Elder [Dieter F. Uchtdorf](#) dari Kuorum Dua Belas dalam sesi persidangan umum pagi Sabtu. "Jadi tujuan 'Untuk Kekuatan Remaja' adalah untuk arahkan anda kepada-Nya. Ia mengajarkan anda kebenaran abadi tentang injil-Nya yang dipulihkan—kebenaran tentang siapa anda, siapa Dia, dan apa yang anda boleh capai dengan kekuatan-Nya. Ia mengajar anda cara membuat pilihan yang soleh berdasarkan kebenaran abadi itu."

Remaja digalakkan untuk menggunakan asas-asas dalam panduan ini untuk membuat pilihan soleh dalam semua aspek kehidupan mereka. Para ibu bapa, pemimpin, dan remaja dijemput untuk mengkaji dan berkongsi panduan ini di rumah, dalam pertemuan hari Ahad, dan dalam aktiviti, termasuk kem dan persidangan remaja. Pemimpin Remaja Putera dan Remaja Puteri dijemput untuk menekankan asas-asas yang terdapat dalam panduan ini dengan kerap. Ia juga sesuai sebagai tumpuan ajaran pada malam standard tahunan untuk remaja dan ibu bapa mereka.

"Sepanjang tahun kita telah belajar tentang percaya kepada Tuhan. Panduan ini memberi kita peluang yang luar biasa untuk bertindak berdasarkan apa yang telah kita pelajari," kata Presiden Umum Remaja Puteri [Bonnie H. Cordon](#). "Untuk percaya kepada-Nya, dalam ajaran-Nya dan perjanjian kita. Untuk memilih bertindak berdasarkan pemahaman itu dan "jangan bergantung" kepada dunia. Dan kemudian untuk mengalami janji yang luar biasa itu — bahawa kita boleh dan akan dibimbing dalam semua yang kita lakukan (lihat [Amsal 3:5-6](#).)"

Panduan remaja yang baharu kini tersedia secara digital dalam bahasa Inggeris di [bahagian Remaja](#) dalam Gospel Library dan di [Youth.ChurchofJesusChrist.org](#). Versi terjemahan digital dalam 50 bahasa akan tersedia menjelang 17 Oktober. Sepanjang baki tahun 2022, salinan bercetak akan dihantar ke unit di seluruh dunia untuk diedarkan kepada semua remaja di Gereja. Salinan tambahan panduan ini boleh dipesan dari [Store.ChurchofJesusChrist.org](#).

[Ringkasan:] Gereja telah ubah suai semula panduan untuk remaja Orang Suci Zaman Akhir yang berumur 11 hingga 18 tahun. “Untuk Kekuatan Remaja: Panduan untuk Membuat Pilihan” bertumpu pada menggunakan asas-asas injil untuk membuat keputusan yang diilhami.

[Kapsyen imej 1:] Ubah suai semula “Untuk Kekuatan Remaja: Panduan untuk Membuat Pilihan” Gereja adalah berdasarkan asas-asas injil, hak pilihan dan ilham.

[Kapsyen imej 2:] Remaja digalakkan untuk menggunakan asas-asas dalam “Untuk Kekuatan Remaja: Panduan untuk Membuat Pilihan” yang telah diubah suai semula untuk membuat pilihan yang soleh dalam semua aspek kehidupan mereka.